



Broj: 01/1-50-1-12/07

Sarajevo: 27.04.2007.

Z A P I S N I K

sa 12. sjednice Ustavnopravne komisije

Sjednica je održana 27.04.2007.godine s početkom u 09,00 sati.

Sjednici su prisustvovali članovi Komisije: **Šefik Džaferović, Drago Kalabić, Lazar Prodanović, Halid Genjac, Momčilo Novaković, Ekrem Ajanović, Martin Raguž i Adem Huskić.**

Član Komisije **Velimir Jukić** je bio opravdano odsutan.

Pored članova Komisije sjednici su prisustvovali u ime Vijeća ministara BiH: Sredoje Nović - Ministar civilnih poslova, Esma Hadžagić - Ministarstvo civilnih poslova; Selim Bešliagić-poslanik PDPSBIH, Suad Salkić- OSCE; Alma Smajlović - OSCE-Legal; Gordana Ivanović - OSCE-Legal; Elma Kadić- OSCE ; Maja Ribar- OHR; Daria Duilović - OHR.

Sjednici je prisustvovao Milan Zjajić, koji je obavljao poslove sekretara Komisije, pripravnik Đenita Pašić zaposlena u Sekretarijatu PS BiH i student stažista Ajdin Brčaninović.

Sjednica je završena u 11, 35 sati.

Nakon što je predsjedavajući predožio Dnevni red Komisija je jednoglasno prihvatila sljedeći:

D N E V N I R E D :

1. Verifikacija Zapisnika sa 9. sjednice održane 17.04.2007. godine;
2. Prijedlog zakona o izmjeni Zakona o porezu na dodatu vrijednost, predlagač Jerko Ivanković Lijanović
3. Prijedlog zakona o dopunama Zakona o industrijskom vlasništvu u BiH, predlagači Selim Bešliagić i Mirjana Malić, ;
4. Prijedlog zakona o visokom obrazovanju u BiH, predlagač Vijeće ministara BiH, po zaključku Doma sa 5. sjednice od 15.3.2007., odgođeno sa 9.sjednice 17.04.07.;
5. Prijedlog zakona o Agenciji za predškolsko, osnovno i srednje obrazovanje u BiH, predlagač Vijeće ministara BiH; odgođeno sa 9.sjednice 17.04.07.;
6. Zaključak Predstavničkog doma o pokretanju procesa izrade Zakona o Ustavnom sudu BiH;
7. Ostala pitanja:
 - a) Zahtjev za autentično tumačenje stava 3. člana 2.5. Izbornog zakona BiH, podnosilac Zajednička komisija za administrativne poslove,
 - b) Dogovor oko termina za obuku za rad na računarima

Ad. 1. Verifikacija zapisnika sa 9. sjednice održane 17.04.2007. godine;

Bez primjedbi, Komisija je jednoglasno verifikovala Zapisnik sa 9. sjednice održane 17.04.2007. godine.

Ad. 2. Prijedlog zakona o izmjeni Zakona o porezu na dodatu vrijednost, predlagač Jerko Ivanković Lijanović;

Nakon provedene rasprave, Ustavnopravna komisija Predstavničkog doma je jednoglasno utvrdila sljedeće:

1. Postoji valjan ustavno-pravni osnov za donošenje Zakona o izmjeni zakona o porezu na dodatu vrijednost
2. Ponuđeni tekst je usklađen sa Ustavom Bosne i Hercegovine i
3. Ponuđeni tekst se može uputiti u dalju proceduru.

Ad. 3. Prijedlog zakona o dopunama Zakona o industrijskom vlasništvu u BiH, predlagači Selim Bešliagić i Mirjana Malić, ;

Ustavnopravna komisija je, razmatrajući kao nadležna komisija Prijedlog zakona o dopunama Zakona o industrijskom vlasništvu u BiH utvrdila sljedeće:

1. Na Prijedlog zakona o dopunama Zakona o industrijskom vlasništvu u BiH amandman je uložio Momčilo Novaković. Nakon provedene rasprave, u toku koje je jedan od predlagača Selim Bešliagić izjavio da prihvata predloženi amandman, Komisija je jednoglasno prihvatila amandman koji glasi:

Amandman I

U članu 1. u pridodatom stavu 4. se iza riječi – datuma: "22.05.1992. godine" umjesto zareza stavlja tačka i ostali dio teksta u tom stavu briše.

2. Komisija je jednoglasno prihvatila tekst Prijedloga zakona o dopunama Zakona o industrijskom vlasništvu u BiH kako su ga predložili predlagači sa usvojenim amandmanom i

3. Komisija je konstatovala da je predloženi zakon neophodno donijeti.

Ad. 4. Prijedlog zakona o visokom obrazovanju u BiH, predlagač Vijeće ministara BiH, po zaključku Doma sa 5. sjednice od 15.3.2007., odgođeno sa 9.sjednice 17.04.07.;

Nakon provedene opće rasprave o prijedlogu zakona, pristupilo se glasanju o principima Zakona o visokom obrazovanju u BiH. Principi su izglasani većinom glasova i to pet glasova za i tri glasa protiv. Dalja rasprava je odgođena za 14.05.2007. godine, radi ostavljanja dovoljno vremena članovima Komisije iz reda stranke SNSD da izvrše potrebne političke konsultacije unutar stanke u vezi sa glasanjem o amandmanima predloženog zakona.

Ad. 5. Prijedlog zakona o Agenciji za predškolsko, osnovno i srednje obrazovanje u BiH, predlagač Vijeće ministara BiH; odgođeno sa 9.sjednice 17.04.07.;

Ustavnopravna komisija je nakon rasprave odlučila kao i u predhodnoj tački.

Ad. 6. Zaključak Predstavničkog doma o pokretanju procesa izrade Zakona o Ustavnom sudu BiH;

Ustavnopravna komisija je razmatrajući ovu tačku Dnevnog reda zaključila da se umnoži i članovima Komisije dostavi Komparativna analiza zakona o ustvanim sudovima koju je izradio Istraživački centar PSBiH, i da se nakon toga, kasnije donese odluka o načinu i metodu djelovanja po zaključku Doma.

Ad. 7. Ostala pitanja:

a) Zahtjev za autentično tumačenje stava 3. člana 2.5. Izbornog zakona BiH, podnosilac Zajednička komisija za administrativne poslove,

Nakon provedene rasprave Ustavnopravna komisija je, u skladu sa članom 137. stav 4. Poslovnika utvrdio je sljedeće:

1. Zahtjev je podnijela Zajednička komisija za administrativne poslove.

2. Zahtjev je podnesen od ovlaštenog subjekta.

3. Da je odredba stava 3. člana 2.5. Izbornog zakona Bosne i Hercegovine ("Službeni glasnik BiH" broj 23/01, 7/02, 9/02, 20/02, 25/02, 4/04, 20/04, 25/05, 52/05 i 24/06) jasna i da se ne može različito razumjevati i stvarati dileme u primjeni, što znači da u Komisiju za izbor i imenovanje treba imenovati članove Zajedničke komisije za administrativne poslove koji su izabrani iz Predstavničkog doma Parlamentarne skupštine BiH.

4. Nije potrebno provoditi proceduru autentičnog tumačenja stava 3. člana 2.5. Izbornog zakona Bosne i Hercegovine ("Službeni glasnik BiH" broj 23/01, 7/02, 9/02, 20/02, 25/02, 4/04, 20/04, 25/05, 52/05 i 24/06), ali bi trebalo situaciju nastali izmjenama Poslovnika prilagoditi i konkretizovati kao jasnu namjeru zakonodavca u prvoj izmjeni Izbornog zakona BiH koja je već najavljena.

b) Dogovor oko termina za obuku za rad na računarima;

Ustavnopravna komisija je odlučila da termin za održavanje obuke na računarima bude 15. i 16.05.2007. godine

SEKRETAR KOMISIJE
Milan Zjajić

PREDSJEDAVAJUĆI KOMISIJE
Šefik Džaferović